

Labrac dles Alpes

A Cuira ti Grijons s'à abiné passa cent raprezentanc de media, istituzions y lies NGO (nia governatives) de dut l'raion alpin per la fondazion de "Las-Alps-infoteca", na gran ciasa di media dles Alpes



A la gran induneda tla "Chasa dal Grond Cussegl" a Cuira: intervent da pert dla ministra a les finanzes svizres Eveline Widmer-Schlumpf.

Atualité - Mariano Tschuor dla RTR (Radio e Televisiun Rumantscha) é sté bon de fé l'prum vare: avei a Cuira i passa cent raprezentanc inviés per enjigné la fundamenta de consens a sia idea de lié adum dutes les Alpes te na rei mediala, che sorvesc sciche zenter de coordinament y abineda de dutes les informaziuns, ma ence sciche sceiba de barat y de ousc per jì al estern y informé l'mond nia abitant y operatif tles Alpes.

Y chest tles formes de multimedialité plu desferentes y spesses de informazion de nosc temps, nuzan dantaldut l'canal plu

asvelt, l'internet.

Deplù é stés i referac che à analisé la storia y la situazion do l'ann 2000 di abitanc dles regions alpines. L'referat dl professour Werner Bätzing dl'Université Erlangen-Nürnberg à depent l'cuader dles Alpes plu fosch che di colours dl'clip legherzin de prejentazion dl'proiet "Alps-Infoteca". Les Alpes à aldò de Bätzing de gragn problems de tegnì bot al status de vita y de laour dles planures dl'Europa Zentràla, les Alpes é confrontedes - trüep sciche mai denant - con l'despopolament,

l'emigrazion, l'forestiment frabricatif y cultural, la concentrazion abitativa te de gragn zentri al post di pitli paisc, de "livelament" te plu setours (deventé uniforms y medems ai autri, a chi dles metropoles). Les Alpes messa - aldò de Bätzing - ester bones de mostré n sie carater, merscé nia me da dutes cheles trasses de transiament (trafich) y dal idilich y "fun" dl'sport invernàl. Per che les Alps ae una na ousc y posse mostré a dut l'mond entournvia si potenzial y sia concorenzialité de vita y operativité de vigni vers,

va inant a plata 4